

স্বাধীনতার প্রতি  
শাহাদাত হোসেন

স্বাধীনতা তুমি ,  
ক্রমিক স্বাশকষ্টে ভোগা ফুসফুসে-  
প্রশান্তিপ্রদায়ী সুস্থ অল্পজান;  
মৃমূর্ষু রোগীর ভেতরে-  
তারুণ্যের প্রবাহ জাগানিয়া সঞ্জীবনী সুধা ।  
স্বাধীনতা তুমি-  
অবশ অংগপ্রতংগধারীকে ম্যারাথনদৌড়ে  
নামিয়ে দে'য়ার আবেগ;  
বিষন্ন মস্তিষ্কে পুলক উদ্বেককারী মহৌষধ;  
থেমে যাওয়া হৃদপিণ্ডে হঠাৎ  
অলৌকিক স্পন্দন জাগানিয়া পরম সত্তা॥

স্বাধীনতা তুমি -  
বন্দীশিবিরবাসীর হৃদয়ে  
মুক্তির পুলকিত বারতা;  
অতল সমুদ্রে দিগ্বিদিক হারা অসহায়ের  
হঠাৎ খুজে পাওয়া কুলের দিশা॥

তুমি এলে বলেইতো-  
জীর্ণ বৃদ্ধের ছানিপড়া চোঁখে  
ঝলসে উঠলো মধ্যান্যের উজ্জল আলো ।  
ভাইহারা বোনের বিষাদের অশ্রু মুছে দিলো  
প্রখর হাঁসির আলোকবিভা ।  
ছেলেহারা মায়ের শোকাভিভূত হৃদয়ে  
নেমে এলো শোকহরা গভীর প্রশান্তি ।  
পুত্রহারা পিতার অনলজ্বালা -আত্মায় প্রবাহিলো  
শান্তির শীতলজলের ঝরনাধারা॥

তুমি এলে বলেইতো-  
শ্রুতমেরুদন্ড- উৎপাদী বাংলার  
দিক-বিদিকে প্রসবিত হ'তে থাকলো -  
উদ্ভত মেরুদণ্ডধারী বিল্পবী প্রতিভা ।  
তুমি এলে তাই -  
বাংলার বন্ধা জমিতে ফলতে থাকলো  
রাশি রাশি সোনালী ফসল;  
শুষ্ক নদীতে বয়ে চললো -

খাটি জলের অবাধ ধারা।  
কৃষকের নিস্তেজ বাহুতে ফিরে এলো  
দীর্ঘকসরিত পাথরের ন্যায় পেশী।  
পাখপাখালিরা গাইতে লাগলো  
মুক্তিস্বাদের অব্যাহত গান;  
মুক্তবায়ুব'ইয়ে দি'তে থাকলো  
বিচিত্র ফুল আর ঘাসের গন্ধ-  
বাংলার আকাশে বাতাসে॥

তুমি আছো, তাই আজ-  
আমি সুস্থভাবে নিঃশ্বাস নিতে পারি;  
আমার উল্লসিত মস্তিষ্ক -  
অবকাশ পায় কবিতা সৃষ্টির।  
না যদি আসতে তুমি, তবে -  
অগ্রজদের মতো আমিও হতাম,  
পাঞ্জাবিদের একবিংশ শতাব্দীর স্তোত্রকারী দাস;  
কিংবা ভাগ্য প্রসন্ন হলে, বনতাম  
ডিগ্রীধারী চা বানানীয়া চাকর।

তুমি এলে, তাই সহজ হয়ে গেলো,  
বাসের হ্যাণ্ডেলঝুলাভ্যস্তআরোহীর পক্ষে  
দম্ভে পাজের হাঁকানো;  
নিম্নমানের করণিকের  
অবলীলায় দখল করা -  
পূর্ণ সচিবের পাদুকা।  
তুমি এলে, তাই  
পাট চালানকারী হয়ে গেলো আদমজীর সত্ত্বাধীকারী  
ফুটপাতে আমড়াব্যবসায়ী, একলাফে  
বনে গেলো ভয়ংকর ব্যাঙ্ক ডিফল্ডার।  
তুমি আছো বলেইতো -  
বাংলা এখন বছরে বছরে প্রসব করে  
শত সহস্রজেনারেল, অজস্রসচিব  
আর লক্ষাধিক বিচারপতি॥

স্বাধীনতা তুমি, বা-ালির সর্বোচ্চ কামনা  
জন্মান্ন একজোড়া চোখের বদলে চায় তোমাকে;  
হাভাতে ভিখারি সুস্বাদুখাবার উপেক্ষা করে-  
কামনা করে কেবল তোমাকেই।  
দুরারোগ্যব্যধিগ্রস্ত সেরে উঠার বদলে,  
মৃত্যুর কয়েক মূহর্ত আগে -

পেতে চায় তোমাকেই।

তুমি আছো, তাই-  
স্বাভাবিকভাবে নিঃশ্বাস নিতে পারি, আজ;  
না যদি থাকতে তুমি, নিরন্তর ভুগতাম-  
বেঁচে থেকেও মৃত্যুর কষ্টে।  
চব্বিশ ঘন্টা করতাম বাস -  
ভয়ের জলবায়ুতে॥

তুমি আমাদের সবচেয়ে বড় চাওয়া আর পাওয়া  
তোমাবিহীন একদন্ড বেঁচে থাকবো, ভাবা-  
দুঃস্বপ্নের থেকেও ভয়ংকর দুঃস্বপ্ন॥